

Biblical Perspectives: Ika-napulo nga Yugto

Homosexuality, Ikalimang Bahin Ildefonso J. Rubrico, Komentarista

Pasiuna

Sa miaging yugto atong gihisgotan ang tumong sa Dios sa pagbuhat sa sekswalidad sa tawo. Gisusi usab nato ang mga teksto sa Biblia nga klarong naghisgot labot sa homosexuality.

Karon atong tukion ang sikolohikal ug pisyolohikal nga mga isyu sa homosexuality. Sugdan ta kini pinaagi sa pagpangutana: Unsa kadaghan ang mga homosekswal?

Ang Gipanugilon nga 10 porsyento

Si Dr. Joseph Gudel, nga ato nang naila sa miaging yugto, misulat: "Lagmit nga ang labing makapahibulong nga estatistika nga nataho diha sa mga pagtuon labot sa homosexuality mao ang giingon nga homosekswal ang 10% sa populasyon sa Estados Unidos. Ang implikasyon mao nga lagmit ingon usab niini kadaghan ang mga homosekswal sa ubang mga nasod. Makaingon ako nga makapahibulong kini kay wala may nasayod o nagsugilon kon asa gikan kini nga numero?"¹

Si Gudel mipadayon sa pag-ingon nga niadtong 1991, ang mga inilang mantalaan sama sa *USA Today* ug *Washington Times* kompiyansa kaayong mipagula nga homosekswal ang 10% sa mga Amerikano, samtang ang gitamod nga *American Psychological Association* mipadayag nga ang homosexuality ang orientasyon nga sagad makita sa mga 10% sa populasyon sa mga lalaki ug 5% sa mga babaye."²

Nasayran nga bakak kining 10% base sa pagtuon ni Dr. Kirk Cameron, nga *statistical scientist* sa *Family*

Research Institute.³ Gisupportahan ang resulta sa panuhid ni Dr. Cameron sa estatistika sa U.S. Census alang sa tuig 2000. Ang census nag-ingon nga 4.3 milyones ka mga Amerikano, o 1.51% sa populasyon ang miangkon nga sila bayot, lesbian, o bisexual.⁴ Bisan ang nag-unang koalisyon sa mga homoseksual nga mga aktibista miangkon na karon nga "2.8% lamang sa mga lalaki, ug 1.4% sa mga babaye sa katibuk-ang populasyon ang nagpaila nga sila bayot, lesbian o bisexual," sumala sa pinakaulahing taho sa 2004.⁵

Unsa may gipamatud-an niining mas gamay nga numero? Ang mga homoseksual dili sama kadaghan sa ilang gipatuo. Gamay ra sila. Pinasikad niini, mabutang sa hustong anggulo ang ilang mga gipangayo. Matubag kini human matun-an sa mga simbahan, sa gobierno, sa mga pribadong organisasyon, labi na kadtong may kalabotan sa pag-atiman sa panlawas ug sa paglikay sa AIDS.

Ato nang tukion karon ang sikolohikal nga aspeto sa homosexuality.

May mental disorder ba ang mga homosexual?

Niadtong 1973, ang American Psychiatric Association (APA) opisyal nga mideklarar nga dili *mental disorder* ang homosexuality.⁶ Mihimo usab sa samang pahayag ang American Psychological Association: "Ang American Psychological Association (i) misupak sa paghulagway sa mga bayot, tomboy, ug bisexual -hamtong man o batan-on-ingon nga may depekto sa utok tungod sa ilang orientasyon; (ii) nagsuporta sa pagpakaylap sa hustong impormasyon labot sa seksual nga orientasyon, hustong pangisip, ug tukmang interbensyon aron pagtul-id sa mga pagpihig nga nagsumikad sa kakulang sa kahibalo o sayop nga pagtuo labot sa orientasyong seksual." [Gikan sa *Resolution on Appropriate Therapeutic Responses to Sexual Orientation, American Psychological Association, 1997.*]⁷

Sakop sa *National Gay and Lesbian Task Force* si Peri Jude Radecic. Kini ang iyang gipadayag sa programang *Nightline* sa ABC: "Dili sakit ang homosexuality. Dili kini kinahanglan tambalan. Normal, natural ug himsog kami nga mga tawo."⁸

Samtang maayo kini nga balita alang sa komunidad sa mga homoseksual sa katibuk-an, may pila nga misupak niining pagdeklara sa mga asosasyon sa mental health niadtong 1973 nga normal ang homosexuality. Gisulti ni Dr. Gudel giunsa paghulga sa militanteng mga grupo sa homoseksual nga mga aktibista ang APA aron mapugos kini nila pagdeklasipay sa homosexuality isip mental disorder. Sa kataposan, 25% lamang sa 25,000 ka membro sa APA ang mibotar ug 58% lamang sa mibotar ang miduso sa deklasipikasyon.⁹

Kini ang gisulat ni Dr. Stanton L. Jones, propesor sa sikolohiya sa Wheaton College: "Dili ko ipahisama ang homosexuality sa schizophrenia o sa mga phobia. Apan dili usab kini maisip nga normal nga paagi sa pagkinabuhi, sama sa pag-isip natong normal ang mga tawong introvert o extrovert."¹⁰

Sa laktod nga pagkasulti, wala magkauyon ang mga eksperto kung sakit ba ang homosexuality o dili. Busa hangtod karon, gilantugian pa kung normal ba ug makaayo ang matang sa kinabuhi sa mga homoseksual.

Natawo ba nga Homoseksual ang tawo?

Usa sa mga argumento nga nagdependa nga normal ang mga homoseksual mao ang katarongan nga "natawo silang ingon niana." Nga may bahin sa populasyon nga nakabaton sa gitawag nga "homosexual gene." Lagmit wala kini sila moabot ug 10% apan may mga natawo gayod nga homoseksual nang daan. Ingon nga ebidensya, gihatag nila ang mga pagtuon nga nagpakita sa homoseksual nga kinaiya sa mga mananap. Ug sila miingon nga kung tinuod kini sa mga

mananap, nan mao usab kini sa tawo kay sakop man sa *animal kingdom* ang tawo.¹¹ Tungod sa kakulang sa panahon, dili nato ikahatag ang daghang mga pagtuon nga mipahimakak niini nga pahayag. Apan tugti ako paghatag sa resulta sa panuhid nga gipasiugdahan sa *National Association for Research and Therapy of Homosexuality (NARTH)* nga bag-o lang nilang gipagawas:¹²

1. Walay "homosexual instinct" diha sa mga mananap -dili sama sa tawo ang mga mananap, wala silay pangisip. Ang laki nga iro mobaba sa laing laki nga iro aron pagdominar niini, ug dili tungod kay bayot kini.

May mga higayon man gani nga patyon sa mga mananap ang kaugalingon nilang mga anak o kan-on kini. Tungod kini sa pagsagol sa sugyot sa kinaiya sa mananap. Pananglitan, ang liyon mopatay sa iyang mga anak samtang sila magdula kay gikan sa 'play mode' mobalhin sa 'hunting mode' ang signal kung manobra na ang dula.

2. Walay paagi ang mga mananap pagpadayag sa ilang pagbati. Tungod kay limitado man kaayo diha sa mga mananap ang katakos sa pagpadayag sa ilang kahadlok, kalipay, kasakit, tinguha, ug uban pa; mokabayo sila usahay sa pareha nilang mananap aron pagpakita nga sila dominante, agresibo, nahadlok, makighigala, ug uban pa. Pananglitan, ang mga laking unggoy lagmit mokabayo sa iyang kauban sa dili pa sila mokaon, timailhan nga dili nila ayawan ang pagkaon nga ilang saluhan.

3. Walay "homosexual" nga mananap. Aron mosanay ang ilang kaliwat, ang laki nga mananap kanunay gayod mopili sa baye nga mananap.

Gitapos ang pagtuon sa pag-ingon nga walay basihan ang pagpahisama sa kinaiya sa mananap ngadto sa kinaiya sa tawo . . . Dili angay pangitaon sa tawo ang kasulbaran sa isyu sa moralidad pinaagi sa pag-adto sa kalibotan

sa mga mananap. Kini makita lamang diha sa tawo mismo. Ang bioethicist nga si Bruto Maria Bruti miingon:

"Sagad masayop ang tawo pagtandi sa kinaiya sa mananap ug sa tawo kay kining duha dili managsama... Lahi ang mga balaod nga naggiya sa binuhatan sa tawo ug kinahanglan pangitaon kini sa dapit diin kini giukit sa Dios, diha sa kinaiya sa tawo mismo."¹³ Dili gayod magkatugma ang mananap ug ang tawo.

Ang Dili Mapalغان nga Homosexual Gene

Unsa may labing bag-ong nadiskubrihan sa siyensya labot sa homosexuality? Aduna bay homosexual "gene" o matakdan ba lang ang tawo sa pagkabayot o pagkatombay?

Ang pagpangita nianang dili madakpan nga "homosexual gene" susama ra sa pagpangita sa Cristianismo sa Holy Grail. Ang akong buot ipasabot mao kini: Samtang gituohan nga adunay ingon niini, wala gayod kini sukad makaplagi! Kay kung tinuod pa kini, masulbad na gayod ang tanang prolema sa mga bayot ug lesbian labot sa ilang sekswalidad. Hunahunaa lang: "ikatulong sekso" nga may biolohikal ug medikal nga kapasikaran ug madawat sa etikal nga pangisip. Apan wala pa gayod napalgi sa siyensya ang "homosexual gene" hangtod karon ug lagmit dili gayod nila kini mapalغان tungod kay wala kini sa kiniyahan.

Ang mga pagtuon nga gihatag sa ubos nagpakita nga dili ordinaryo nga hilisgotan ang homosexuality gikan sa panlantaw sa siyensya.

Hunahunaa kini:

1. Daghanan sa tinamod nga mga siyentipiko karon nagtuo nga ang homosexuality nagsumikad sa kalangkoban sa sikolohikal, sosyal, ug biolohikal nga mga hinungdan.

2. Gikan sa American Psychological Association: "Daghan siyentipiko ang nagtuo nga ang sekswal nga orientasyon naumol diha sa pagkabata pinaagi sa interaksyon sa biolohikal, sikolohikal ug sosyal nga mga butang."¹⁴
3. Gikan kang Simon LeVay sa "Gay Brain": "Hangtod niining puntoha, ang kadaghanan nagtuo nga ang hinungdan sa homosexuality mao ang nagkadaiyang mga butang."¹⁵
4. Gikan kang Dennis McFadden, neuroscientist sa University of Texas: "Ang bisag unsang kinaiya sa tawo maoy resulta sa interaksyon sa iyang nasunod nga mga gene ug sa iyang palibot. Mao usab kini sa homosexuality."¹⁶
5. Gikan kang Steven Goldberg, usa ka sosyologo: "Wala akoy nailhan nga nagpatin-aw sa homosexuality nga wala mohisgot sa mga butang o sitwasyon sa palibot."¹⁷

Atong makita nga walay pagtuon nga naghatag ug ebidensya nga "genetic" o masunod gikan sa mga ginikanan ang homosexuality.

Masunod ba gikan sa mga ginikanan ang homosexuality?

Dili na unta mahinungdanon kini nga pangutana kay natubag na man nato kini sa unahan. Apan, niining tuiga, ang inilang doktor nga si Dr. Phil McGraw, ang nagsulat sa *Ultimate Weight Solution*, mipahayag sa iyang hunahuna labot niini. Gitubag ni Dr. Phil ang pangutana nga gipadala sa iyang website sa usa ka inahan kansang 22 anyos nga anak nakigrelasyon sa usa ka lesbian. Nangutana ang inahan kung natakdan ba ang iyang anak sa pagkalesbian, ug posible ba nga kining iyang relasyon karon sinugdanan lamang sa mas daghan pang relasyon nga ingon niini. Si Dr. Phil mitubag: "Dili makatakod ang homosexuality. Masunod kini gikan

sa mga ginikanan. Natawo ka uban niini nga kinaiya.”¹⁸ Sumala kini sa gitaho ni Warren Throckmorton, Ph.D., director ug propesor sa College Counseling sa Grove City College sa Pennsylvania.

Gibadlong ni Dr. Throckmorton si Dr. McGraw sa pag-ingon: “Ang tanang pagtuon nagpakita nga dako kaayo ang papel sa enbayronment sa pag-umol sa homosekswal nga orientasyon. Ang bag-ong pagtuon labot sa managsuon nga kaluha (*genetically identical twins*) nga gipatik sa *Journal of Personality & Social Psychology* nagpakita nga managlahi ang ilang sekswal nga orientasyon. Tan-awa ang resulta sa mga panuhid: kung usa sa kaluhang lalaki bayot, 20% lang ang posibilidad nga bayot usab ang usa; samtang 24% sa kaluhang babaye ang managsamag sekswal nga orientasyon. Ang 76 ngadto sa 80% nga pagkalahi sa sekswal nga orientasyon sa mga kaluha nagpakita nga dako kaayog papel ang mga tawo o mga sitwasyon nga nagpalibot sa sekswal nga orientasyon sa tawo.”

Niadtong 1991, si Dr. Simon LeVay, neuroscientist sa Salk Institute of Biological Studies sa California, miopera sa utok sa 41 ka tawo nga patay na. Nakita niya nga ang hypothalamus sa mga bayot wala gani makatunga sa gidak-on sa hypothalamus sa mga heterosexual.¹⁹ (Ang hypothalamus mao ang bahin sa utok nga nagkontrol sa sekswal nga lihok sa tawo.) Gikalipay pag-ayo sa mga homosekswal kini nga balita hangtod ilang nadiskubrihan nga (1) ang 19 niining mga tawhana namatay sa AIDS, nga gituohan sa daghang mga siyentipiko nga maoy hinungdan sa pagkupos sa ilang hypothalamus; (2) wala kini makomparar sa hypothalamus sa mga lalaking heterosekswal; (3) dili nila masiguro kung ang pagkipos sa hypothalamus mao bay hinungdan o resulta sa homosexuality; (4) si Dr. LeVay, nga homosekswal usab, miangkon nga aduna siyay personal nga interes sa maong pagtuon ug lagmit nasagolan kini sa kaugalingon niyang panghunahuna.²⁰

Ang Epekto sa Enbayronment

Sumala pa sa panuhid ni Gudel, daghan ang mga saykayatrist ug mga sikologo nga nagtuo nga ang homosexuality moresulta gikan sa nagkadaiyang sitwasyon nga nagpalibot sa tawo. Daghan kanila ang moingon nga ang gamut sa homosexuality sikolohikal ug dili biolohikal. Ang mga *therapist* nga nagtabang sa mga homosexual nga wala malipay sa ilang kabutang nag-ingon nga may komon nga sitwasyon nga makita sa halos tanan nilang mga pasyente -dili malipayon ang ilang kasinatian sa bata pa sila. Ang mahinungdanong elemento dinhi mao nga kining mga bataa nagdako sa panimalay nga wala magpakita ug gugma, ug wala nila masinati ang pagmahal sa ilang mama o sa ilang papa, o sa duha nila ka ginikanan. Sumala pa niini nga mga pagtuon, ang reaksyon sa bata niining wala pagtagad sa iyang mga ginikanan kaniya o sa kakulang sa pag-atiman sagad mamugna sa dili pa mag-edad ug lima ka tuig ang bata. Ang mosunod nga mga pahayag magpamatuod niini:

1. William H. Masters (director sa Masters and Johnson Institute), Virginia E. Brown, ug Robert C. Kolodny sa ilang sinulat niadtong 1982 nga giulohag *Human Sexuality*: "Wala na dawata karon ang teoriya nga ang homosexuality masunod gikan sa mga ginikanan."²¹
2. Robert Kronemeyer sa iyang sinulat, *Overcoming Homosexuality*: "Sa katibuk-an, ang homosexuality, wala masunod gikan sa mga ginikanan ni resulta sa pagkagubot sa mga gene o chromosomes. Walay tawo nga nahimugso nga homoseksual. Nagtuo ako nga nahimong homoseksual ang tawo tungod sa pait nga experiensya sa bata pa siya. Ug mahimo niya kining mabiyaan. Alang niadtong mga homoseksual nga wala malipay sa ilang kabutang, mahimo silang matambalan." ²²
3. John DeCecco, propesor sa sikolohiya sa San Francisco State University ug editor sa *Journal of*

Homosexuality. Sa iyang pahayag sa *USA Today* niadtong 1989, siya miingon: "Binuang ang paghunahuna nga nahimugso ang usa ka tawo uban sa usa ka sekswal nga orientasyon. Ang homosexuality usa ka kinaiya, dili usa ka kondisyon ug mahimo kining mausab, sama ra nga mausab sa tawo ang iyang kinaiya o ang iyang gusto."²³

Ang Pisyolohikal nga Aspeto sa Homosexuality

Tinuod ba ang giingon nga dali rang matakdan sa AIDS ug sa ubang sekswal nga sakit ang mga homosekswal? Nga mas sayo mamatay ang tawong homosexual kay sa heterosexual sa America?

Sa nahibiling pila ka gutlo akong ihatag kaninyo ang mahinungdanong mga kasayoran pagpakita nga mas dako ang risgo sa mga homosekswal nga matakdan sa pila ka sakit.

Natun-an na sa komunidad sa mga doctor ang hinungdan niining mga sakita, apan wala kini dawata sa pasyenteng mga homosekswal tungod tingali kay maulaw sila.

Apan tungod kay ang atong tumong dinhi sa Biblical Perspectives mao man ang paghatag ug impormasyon (apan dili ang pagpakaulaw o pagdaot ni bisan kinsa), dili na nato hisgotan ang mga detalya nga naglimin sa sekswal nga binuhatan sa mga bayot o tomboy. Igo na kanato nga maamgohan sa atong mga igsoong homosekswal ang mga risgo nga ilang atubangon kung sila mag-adbenturar sa kinabuhing homosekswal.

Usa ka mahinungdanong pahinumdom. Ang atong diskusyon dinhi wala gitumong kang bisan kinsa, gawas lamang niadtong mga tawo kansang mga panuhid, mga pahayag, ug mga pagtuon gigamit dinhi.

Mga Problema ng Medikal ug Pinasahing Kasayoran nga may Kalabotan sa Homosekswal nga Binuhatan

1. Medikal nga mga problema ug mga balatian nga nalambigit sa homosekswal nga binuhatan.²⁴

Gay Bowel Syndrome; Hepatitis - Hepatitis-A (HAV), Hepatitis-B (HBV), Hepatitis-C (HCV); Tuberculosis; STDs - syphilis, gonorrhea, genital warts, lice, scabies, penile-contact infection, oral/penile infection, HIV, AIDS.

2. Pinasahing Kasayoran Labot sa Istilo sa Pagkinabuhi sa mga Homosexual sa Estados Unidos.²⁵

- Dihay panuhid nga nag-ingon nga ang kasagarang homosexual may 20 ngadto sa 106 ka partner matag tuig. Ang kasagarang heterosexual may 8 ka partner sa tibuok niyang kinabuhi.
- Daghan sa mga homosekswal nga pakighilawas mahitabo kung sila hubog, bato sa droga, o sa mga tigom alang sa sekswal nga katagbawan
- Daghan ang wala mamati sa mga pasidaan labot sa ilang istilo sa pagkinabuhi: "Nahibalo sila sa makaayo sa ilang panlawas apan wala nila kini isipa nga may epekto sa ilang sekswal nga binuhatan."
- Usa ngadto sa 2% lamang sa populasyon ang mga homosekswal apan sila ang naglangkob sa 3 ngadto 4% sa kasong gonorea, 60% sa mga kasong syphilis, ug 17% sa katibuk-ang admisyon sa mga hospital sa Estados Unidos.
- Ang mga homosexual nagbaton ug istilo sa pagkinabuhi nga makadaot sa ilang lawas, ug daghan kanila ang nagbalatian sa mga sakit nga ginganlan sa unahan.
- 25-33% sa mga bayot ug tomboy mga alcoholic o kusog moinom ug bino.

- Kini ang resulta sa usa ka sa mga homosexual: 43% ang miangkon nga nakabaton silag 500 ka partner o kapin pa niini sa tibuok nilang kinabuhi; 28% ang miingon nga moabot ug 1000 o kapin pa niini ang ilang partner sa tibuok nilang kinabuhi; 79% kanila ang miingon nga katunga niining mga tawhana nga nakighilawas kanila wala nila mailhi; ug 70% niining mga sekswal nga panagtagbo mahitabo makausa lamang sa matag partner. Kinaham usab sa mga homoseksual ang pag-adto sa mga dapit diin makapudyot silag bisan kinsa nga lalaki nga makighilawas kanila.
- 78% sa mga homosexual ang nasakit sa gonorea ug sipilis ug uban pang sakit nga may kalabotan sa sekswal nga binuhatan
- Si Captain William Riddle sa Los Angeles Police miingon nga "30,000 ka mga bata nga sekswal nga giabuso sa Los Angeles mga biktima sa mga homosexuals."
- 50% sa mga kaso sa paghikog gibuhat sa mga homosexual.
- Ang matag pasyente nga tambalan sa AIDS mogasto ug kapin o menos \$300,000(mga 15 milyones ka pesos); ug tungod niini ang tanan nagbayad ug mas mahal nga medical insurance.
- Mga homosexual ang mipakaylap sa AIDS sa Estados Unidos. Bisan karon, 50% sa mga pasyente sa AIDS sa Estados Unidos pulos homoseksual. Kon atong isipon nga 1 ngadto sa 2% lamang sila sa katibuk-ang populasyon, dako kaayo kini nga problema.
- 37% sa mga homosexual nagbuhat sa gitawag ug sadomasochism, ug daghan kanila ang namatay tungod niini.
- 41% sa mga homosexual nag-ingon nga nakighilawas sila sa mga tawong wala nila mailhi sa publikong mga dapit; sa 64% niini nga mga pagtagbo migamit silag mga ginadiling droga.

- Ang mga homosekswal sagad mamatay sa edad nga 42 (9% lang kanila ang mabuhi hangtod sa edad nga 65). Kung AIDS ang hinungdan sa kamatayon, mokanaog kini ngadto sa 39. Ang mga minyo nga heterosexual sagad mamatay sa edad nga 75.
- Ang mga lesbian sagad mamatay sa edad nga 45 (24% lamang ang mokapig 65). Ang heterosekswal nga babaye sagad mamatay sa edad nga 79.
- 50% sa mga tawag sa hotline nga nagreport sa "pagpamun-og" may kalabotan sa mga homosekswal nga pagbun-og sa laing homosekswal.

Pagtapos

Ug karon, mga tinamod kong tigpamati, takna na usab sa pagtapos niining yugto sa atong programa. Sa milabay nga pila ka minuto atong gisulayan paghulagway ang sikolohikal ug pisyolihikal nga aspeto sa homosexuality pinaagi sa pagpangutana kon pila ka porsyento sa populasyon ang mga bayot ug tomboy, kung sakit ba ang homosexuality, kung kini nasunod ba gikan sa mga ginikanan, o kung ang mga nagpalibot ba nga mga butang ug sitwasyon ang hinungdan niini. Gihisgotan usab nato ang mga problemang medical nga giatubang sa mga homosekswal.

Sa atong sunod nga yugto, atong hisgotan ang mga paagi sa pagtabang sa mga homosekswal ug kinsa ang makatabang kanila.

Hangtod sa sunod higayon, kini ang inyong alagad, Nene Rubrico, manamilit sa pag-ingon:

"Ang nasod nga dili giyahan sa Dios, dili matigayon."

Daghang salamat sa inyong pagpamati. Panalanginan kamo sa Dios!

Copyright©2004 ni Ildefonso Rubrico
Kung Kutloon alang sa mga pagtuon, palihog ipahibalo
nga gikutlo kini gikan sa
www.biblical-perspectives.org

Notes:

- ¹ Joseph P. Gudel, "HOMOSEXUALITY:Fact and Fiction" (Part One in a Two-Part Series on Homosexuality). <http://www.equip.org/free/DH055-2.htm>.
- ² Family Research Report (Family Research Institute, Washington, D.C.)1.
- ³ Kirk Cameron, "THE NUMBERS GAME: WHAT PERCENTAGE OF THE POPULATION IS GAY?" http://www.familyresearchinst.org/FRI_AIM_Talk.html
- ⁴ U.S. Census Bureau. Year 2000 Census. URL:
<http://www.census.gov/prod/2001pubs/c2kbr01-1.pdf>
- ⁵ Peter Sprigg, "Homosexual Groups Back Off From '10 Percent' Myth", 28 January 2004.InFocus (Family Research Council), Issue No. 260;
URL: <http://www.frc.org/get.cfm?i=IF04A01>.
- ⁶ Fact Sheet on Gay, Lesbian and Bisexual Issues (May 2000).
- ⁷ Taken from The American Psychological Association Online Fact Sheet – "Just the Facts About Sexual Orientation & Youth: A Primer for Principals, Educators and School Personnel," 1997.
- ⁸ *Nightline*, ABC News, 30 August 1991.
- ⁹ Joseph P. Gudel, op.cit.
- ¹⁰ Stanton L. Jones, "Homosexuality According to Science," in J. Isamu Yamamoto, ed., *The Crisis of Homosexuality* (Wheaton, IL: Victor Books, 1990), 107.
- ¹¹ Luiz Sérgio Solimeo, "The Animal Homosexuality Myth." NARTH. Updated: 3 May 2004. <http://www.narth.com/docs/animalmyth.html>
- ¹² Ibid.
- ¹³ Bruto Maria Bruti, Domande e risposte sul problema dell'omosessualità, www.paginecattoliche.it/domande_omosessualita.htm.
- ¹⁴ The American Psychological Association's pamphlet, "Answers to Your Questions About Sexual Orientation and Homosexuality."
- ¹⁵ Simon LeVay, "Queer Science," MIT Press. 1996
- ¹⁶ "Scientists Challenge Notion that Homosexuality's a Matter of Choice," *The Charlotte Observer*, August 9, 1998.
- ¹⁷ Steven Goldberg, *When Wish Replaces Thought: Why So Much of What You Believe is False*(Buffalo, New York: Prometheus Books 1994).

- ¹⁸ Warren Throckmorton, Ph.D., "Dr. Phil Weighs In on Sexual Orientation." Copyright © NARTH. All Rights Reserved. Updated: 15 April 2004. URL: <http://www.narth.com/>
- ¹⁹ Charlene Crabb, "Are Some Men Born to Be Homosexual?" U. S. News & World Report, 9 September 1991, 58.
- ²⁰ Simon LeVay on The Phil Donahue Show, "Genetically Gay: Born Gay or Become Gay?" 3 January 1992.
- ²¹ William H. Masters, Virginia E. Brown, and Robert Kolodny, Human Sexuality (Boston: Little, Brown and Company, 1982), 319.
- ²² Robert Kronemeyer, Overcoming Homosexuality (New York: Macmillan Publishing Co., 1980), 7.
- ²³ Kim Painter, "A Biological Theory for Sexual Preference," USA Today, 1 January 1989, 4D.
- ²⁴ <http://www.inoohr.org/medicalproblems.htm>
- ²⁵ <http://www.inoohr.org/statsandfacts.htm>